

飲

虹

移

所

刻

曲


孝威



餘江縣志
刻
曲
李氏
印


金縷新聲

(三五)



鍾嗣成錄鬼簿云吳仁卿字弘道號克齋先生歷仕府判致仕有金縷新聲行於世案仁卿散曲今存小令二十三套數四據陽春白雪太平樂府樂府群玉樂府新聲及太和正音譜輯錄仍其名曰金縷新聲癸未夏至虛前陋居記

閱金經陽春白雪原錄十一首夢中邯鄲道及謝公東山臥二首樂府羣珠歸虛疏齋應從故此輯作九首也冀野又記



金縷新聲目次

小令

中呂醉高歌

中呂上小樓 六首

南呂閱金經 九首

雙調撥不斷 四首

商調梧葉兒 三首

套數

大石青杏子 二套

越調鬪鷁鶩

越調梅花引

小令

金瓶梅詞話

金縷新聲

□□吳仁卿弘道譔

小令

中呂醉高歌

嘆世

風塵天外飛沙日月窗前過馬風俗掃地傷

王化誰正人倫大雅

中呂上小樓

錢塘感舊

虛名仕途微官苟祿愁裡南閩客裏東吳夢

裡西湖到寓居問士夫都爲鬼錄消磨盡舊
時人物

題小卿雙漸

蘇卿告覆金山題句行笑行啼行想行思行
寫行讀自應舉赴帝都雙郎何處又隨將販
茶人去

西湖宴飲

人凭畫欄舟橫錦岸一線蘇隄兩點高峯四
面湖山玉笋彈綠袖灣紅牙輕按直喫的酒
闌人散

春日閨怨

傷春病體殘
春天氣縈損
柔腸感損雙蛾瘦
損香肌
喚小梅
你快急重門深閉
怕鶯花笑人憔悴

西湖泛舟

驕驄錦旆輕羅綵
扇簾捲東風
花綻香雲柳吐晴
烟泛畫舫列綺筵
笙簫一片人都在
水晶宮殿

春殘離思

春光正濃
鶯聲相送
人去蘭堂
塵鎖粧臺
畫

罨簾權錦帳中翠被空無人相共央及煞綠
窗春夢

南呂閱金經

失題

落花風飛來絮故枝依舊鮮月缺終須有再
圓圓月圓人未圓朱顏變幾時得重少年

紫檀敲寒玉綠袍翻敗荷好個春風盪采和
歌人生能幾何乾坤大小兒休笑他

太平誰能見萬村桑柘煙便是風調雨順年
田綠雲無盡邊窮知縣日高猶自眠

這家村醪盡那家醅甕開賣了肩頭一擔柴
吟酒錢懷內揣葫蘆在大家提去來

晉時陶元亮自負經濟才恥爲彭澤一縣宰
栽繞籬黃菊開傳千載賦一篇歸去來

今人不飲酒古人安在哉有酒無花眼倦開
鼓吹臺玉人扶下階妨何礙青春不再來

道人爲活計七椿兒爲伴侶茶藥琴棋酒畫
書世事虛似草梢擎露珠還山去更燒殘藥
爐

太宗凌煙閣老君邀月樓正是男兒得志秋

休幾人曾到頭杯中酒勝如關內侯
海棠秋千架洛陽官宦家燕子堂深竹映紗
啄去來休問他夕陽下故宮驚落花

雙調撥不斷

閒樂

泛浮槎寄生涯長江萬里秋風駕稚子和烟
煮嫩茶老妻帶月烹鮮鮓醉時閒話

利名無宦情疎彭澤升斗微官祿蠹魚食殘
架上書曉霜荒盡籬邊菊罷官歸去

暮雲遮歸雁斜漁人獨釣寒江雪萬木天寒

凍欲折一枝冷艷開清絕竹籬茅舍
選知音日相尋山間林下官無禁閒後讀書
困後吟醉時睡足醒時飲不狂圖甚

商調 梧葉兒

春暮

春雲淨芳樹曉花外燕聲嬌呼紅袖品玉簫
泛蘭橈十里春風畫橋
韶華過春色休紅瘦綠陰稠花凝淚柳帶愁
泛蘭舟明日尋芳載酒

湖上

舟中句湖上景芳酒泛金橙雲初退月正明
雪初晴幾樹梅花弄影

套數

大石青杏子

惜春

幽鳥正調舌惜春歸似有傷嗟虛簷凭得闌
干暖落花風裏遊絲天外遠翠干疊

望江南音書斷人遠路途賒芳草啼殘紅杜
宇粉牆飛困玉蝴蝶日暮正愁絕

好觀音簾捲東風飄香雪綺窗下翠屏橫遮

庭院深沉裊篆斜正黃昏燕子來時節
隨煞銀燭高燒從今夜好風光未可輕別留
得東君少住些惟恐怕西園海棠謝

閨情

梁燕語呢喃九十日春色過三東風滿院楊
花謝離情正苦歸期未準鬼病將擔

歸塞北從別後天北隔天南玉腕消香金釧
惓惓柳腰束素翠裙攙羸得瘦岩岩

好觀音信步閑度院闌檻荷錢小池面撥藍
點檢芳叢總不堪正蜻蜓雨過波紋蘸